



Pou Piblikasyon Imedya: 15/11/2021

GOUVÈNÈ KATHY HOCHUL

GOUVÈNÈ HOCHUL ANGAJE JISKA 2 MILYON DOLA FON IJANS POU MÈT KAY KI KALIFYE KE INONDASYON SIKLÒN IDA TE TOUCHE YO

*Asistans la sible rezidan nan Konte New York, Orange, Putnam, Sullivan ak
Ulster ki pa t kalifye pou èd FEMA*

Jodi a, Gouvènè Kathy Hochul te anonse gen jiska 2 milyon dola fon ijans yo pral mete disponib pou mèt kay ki kalifye nan senk konte sid eta a ke inondasyon Siklòn Ida te touche pi bonè ane sa a e ki pa t ka jwenn nan fon Asistans Endividyal (Individual Assistance) FEMA a.

Nouvo fon eta sa yo pral ofri mèt kay ki te sibi dega nan rezidans prensipal yo pandan Ida e ki kapab rete san danje lakay yo, sibvansyon pou reparasyon dijans.

"Moun New York yo toujou ap refè anba konsekans Siklòn Ida," **Gouvènè Hochul te deklare.** "N ap travay rapidman pou ofri asistans dijans, e n ap kontinye ede mèt kay ki kalifye yo restore ak rebati lavi yo."

Gouvènè Adjwen an, Brian Benjamin, te deklare, "Administrasyon sa a pran angajman ede mèt kay yo refè anba tanpèt epi fè kominote yo kapab pi byen sipòte konsekans devastatè chanjman klimatik la. Inisyativ yo anonse jodi a pral ofri mèt kay ki kalifye yo resous dijans yo bezwen yo pou rete san danje lakay yo ak bouche twou jiskaske gen plis fon federal ki vin disponib."

Fon sibvansyon yo anonse jodi a koutri dega ki rive nan yon rezidans prensipal pou mèt kay ki respekte kondisyon revni pwogram nan. Biwo Renouvelman Kay ak Kominote (Homes and Community Renewal, HCR) Eta New York la pral sipèvize pwogram nan ki pral gen kòm administratè kat òganizasyon lokal ki pa gen bi fè pwofi ki deja gen kontra HCR pou pwogram reyabilitasyon lojman menm jan an.

Fon ijans la fèt pou sèvi kòm pon pandan New York ap tann plis fon federal nan kad Kredi Siplementè pou Sekou nan Ka Katastwòf (Disaster Relief Supplemental Appropriations) Kongrè te ratifye a pi bonè otòn sa a pase pa pwogram finansman tankou pwogram Sibvansyon Global pou Devlòpman Kominotè Rekonstriksyon Apre Katastwòf la (Community Development Block Grant Disaster Recovery, CDBG-DR).

Kòmanse jodi a, mèt kay yo kapab fè demann pou resevwa fon pou kouvri depans pou reparasyon dijans ki nesesè yo pou mete kay yo nan kondisyon san danje pou yo ka rete ladan yo. Kèk egzanp pam i lòt reparasyon ki kalifye se reparasyon oswa chanjman sistèm elektrik ak plonbri; fou, aparèy pou chofe dlo, sistèm pou filtre dlo, ponp vidany, aparèy menaje, ak eliminasyon lòt danje pou lasante, tankou depans pou tès ak otorizasyon. Moun ki mande patisipe nan pwogram sa a pral travay avèk youn nan kat òganizasyon kolaboratris ki pa gen bi fè pwofi yo pou finalize yon kad travay ki apwouve nan pwogram nan.

RuthAnne Visnauskas, ki se Komisè HCR Ia, te deklare, "Lontan apre tanpèt la fin pase, gen anpil kominate ak katye Ida te touche ki rete nan tchoubouloung epi gen anpil kay ki donmaje nan pwen pou yo se danje oswa moun pa ka rete ladan yo. Gras a lidèchip Gouvènè Hochul ak kolaboratè lokal ki pa gen bi fè pwofi nou yo, nou pral kapab ede rezidan yo retounen lakay yo san danje san yo pa bezwen enkyete si plonbri yo, kouran elektrik yo, oswa lòt nesesite yo poze danje."

Reprezantan Sean Patrick Maloney te deklare, "Depi mwen te wè gwo dega siklòn Ida te pote nan Hudson Valley ak je pa mwen, m ap travay pou pote èd nan kominate tanpèt la te frape yo. Mwen anchante anonse sekou sa a pou mèt kay yo nan konte Orange ak Putnam jodi a. Avèk fon sa a, moun yo pral gen sipò yo bezwen an nan men Eta New York pou ranje kay yo epi rekanpe sou pye yo."

Pou ede mèt kay yo, HCR etabli yon sant apèl nan Sant pou Katye Vil New York yo (Center for New York City Neighborhoods) kote mèt kay ki rete nan senk konte ki sible yo e ki vle mande antre nan pwogram nan kapab fè yon evalyasyon pre-kalifikasyon pou yo voye yo wè yon administratè pwogram k ap patisipe nan zòn yo an.

Administratè pwogram ki pral egzaminen demann yo epi travay sou yo se RUPCO, k ap sèvi Konte Ulster ak Sullivan; Putnam County Housing Corporation, k ap sèvi Konte Putnam; Orange County Rural Development Advisory Corporation, k ap sèvi Konte Orange, ak Rebuilding Together NYC, k ap sèvi Konte New York.

Rezidan ki rete nan konte ki touche yo dwe kontakte sant apèl la nan (646)786-0888.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)